

Սակայն, այն հանգամանքը, որ հարեան Ազրբեջանում յանկարծական յեղաշրջում կատարեց, պատճառ եղաւ նման փորձ կատարելու նաև Հայաստանում:

Մենք չատերի հետ խօսելով ցոյց էինք տալիս, որ Հայաստանի ղեկավար կուսակցութիւնը թոյլ չի տայ, որ նրանք այստեղ քաղաքական դեր խաղան, որ երբեք չմտածեն, թէ կարող են քաղաքական բնոյթ ունեցող գործի ձեռնարկել, բայց նրանք կարծեցին, թէ Հայաստանի ղեկավար կուսակցութիւնը մեռած է. լինելով մտահոգ հայ ժողովրդի պաշտպանութեան խնդրով՝ չի հետևում նրանց քայլերին. կարծեցին թէ նա կազմալուծ է և չունի այն կորովը, որ հանդէս է բերել տասնեակ տարիների ընթացքում: Մի ծանր հանգամանք նպաստեց նրանց յաջողութեանը. Հայաստանի կառավարութիւնը՝ ցանկանալով օր առաջ մեր երկիրն ազատել օտար պետութեանց վարկաբեկիչ խնամակալութիւնից՝ իր հացի պաշարը փոխանակեց սերմացուի հետ: Դրա հետևանքն եղաւ հացի ճգնաժամը և իբր արդիւնք վերջինիս՝ ժողովրդի խուլ դժգոհութիւնը: Այս հանգամանքը նրանք համարեցին լաւ հոգ՝ ցանելու իրենց խռովութեան սերմերը: Բայց որովհետև հաւատ չունէին ժողովրդի մէջ և չունէին հետևորդներ, ընտրեցին կուի այնպիսի միջոց, որ, թէպէտ, անարժէք էր ինքնին, բայց կարող էին ժամանակաւոր չլուրջ առաջ բերել. նրանք դիմեցին ստի և խաբէութեան՝ տարածելով լուրեր, որ իբր թէ Լենինը 150,000 փութ ալիւր է ուղարկում Հայաստան, որ 10,000 մեծամասնական դօրքեր Ղազախի վրայով գալիս են դէպի մեզ, որ մեր որբերը կուղարկեն Կուրան՝ խնամելու Ռուսաստանի հաշուով և այլն, և այլն: Այս ստերով նրանք աշխատեցին յուզել ժողովրդի միտքն ու պարարտացնել դժգոհութեան հոգը:

Իսկ ո՞վքեր էին այդ շարժման ղեկավարները. նրանց մէջ կային անարժէք, մարդկային արժանապատուութիւնից միանգամայն գուրկ մարդիկ՝ գողեր, աւազակներ, վատնիչներ: Ահա ձեզ մի օրիորդ՝ Կարսի մեծամասնական՝ գող դեռ աշակերտական նստարանից, մի ինչ որ սպայ Չմէկեան՝ թալանչի և վատնիչ զնդի գումարի, մի Տէր Գրիգորեան՝ գող ամբերկեան որբանոցային պահեստի: Այսպէս՝ գողեր, աւազակներ, սրիկաներ, և խաբերաներ հաւաքել էին այդ շարժման շուրջը՝ կարծելով, թէ նորից դիւբի կը տիրանան ու կը շարունակեն իրենց չահատակութիւնները:

Որովհետև անարժէք էր նրանց կուի միջոցը, որովհետև ղեկավարները 90 տոկոսը պարզ գողեր էին, ուստի շարժումը վիժեց խայտառակ ձևով և արագութեամբ. այդ շարժումը երբեք չի կարող համարել քաղաքական և դէպի նա մենք կարող ենք միայն զգանք ու արհամարհանք տածել. դա ոչինչ շարժում էր և գործով ապացուցեց իր ոչնչութիւնը:

Ամենից հետաքրքրականն այս շարժման վախճանի մէջ այն է, որ նրան վերջ տւեց հայոց ժողովուրդը. զօրքն իր գլուխը կորցրած էր. ոմանք դաւաճանեցին, ոմանք տատանւում էին, ոմանք անտարբեր էին. անպէտք դուրս եկաւ պաշտօնէութիւնը: Միայն ժողովուրդն էր, որ ցուցահանեց առողջ բնադը, առողջ ըմբռնում և առանց դէնքի ճնշեց խռովութիւնը:

Մեծ էր ժողովրդական ցասումը. թէպէտ թոյլ են մեր հաղորդակցութեան միջոցները, թէպէտ չունենք, անգամ, թուղթ տպելու ամէն ինչ և տարածելու ժողովրդի մէջ, բորբոքելու միտքն ու պայծառացնելու գիտակցութիւնը, բայց և այնպէս, զարմանալիօրէն միատեսակ մտածման, միատեսակ զգացման և կամքի միութեան հետևանքով վերջ տւեց խայտառակութեանը: